

光緒順天府志

人物志九

光緒順天府志九十九

先賢九

黃岡洪良品兼江陰穆丕孫獲軒

國朝

杜立德

子恭俊

劉漢儒

郝傑

子惟訥

韓元盛

楊春茂

子自牧

芮昌齡

駱養性

王昂

李可楨

子燁

趙明徵

丁林聲

王世德

子源

劉永嘉

袁懋功

兄懋德

楊璜

弟璵

朱之弼

弟之佐

劉樾

劉克家

弟克讓

楊三知

王景祚

林起龍

王崇簡

子熙節 燕

方國棟

子承隆

張元樞

張士甄

弟士堯

謝泰

雷一龍

從子 謙

高光夔

顏敏

徐化成

陳慎

弟協

田種玉

紀克明

劉芳躅

弟芳蒔

國朝

杜立德字純一寶坻人

一統志

生有異兆長而攻苦積學

王熙杜文端公墓誌

明崇禎十六年進士順治二年以順天巡撫宋權薦授中書考

選戶科給事中

漢名臣傳

疏言治平之道有三曰敬天曰法古曰愛人

上嘉納六年疏陳漕弊言漕臣庫禮搜獲運官使費用三十本送

部其中所費皆東南數百萬赤子脂膏供貪墨者之魚肉請按款

察究從之八年疏請舉經筵擇經明行修之上爲講官又請定朝

期杜加派肅

禁地均蒙

嘉納初睿親王攝政給事中許作梅御史吳達李森先等交章劾大學士馮銓姦貪狀疏上已旬日未下

先正事略

立德疏銓所行弗類

諸臣具實以告非私論也將逾旬日未蒙鑒裁恐無以鼓直言之氣又如逋逃之馬士英阮大鍼宋企郊等或納賄招權或煽惡流毒急宜捕誅以彰法紀疏下刑部以事在赦前寢議

漢名臣傳及

聖祖親政黜馮銓

先正事略

立德疏言前此糾劾馮銓諸言官如許作

梅吳達李森先桑芸等並爲銓所切齒

漢名臣傳

又僉都御史趙閑心

素爲銓所忌相繼搆陷斥去之茲逢

聖政方新乞矜察開心等皆得

旨起用

先正事略

九年立德遷太常寺少卿三月擢工部右侍郎六月

調兵部左侍郎十一年二月

上以畿輔八府上年遇水發帑賑濟簡才能清正大臣十六員督

率府州縣衛官散給立德同通政使喀愷分賑大名府所屬一州十縣一衛還奏稱旨四月調吏部右侍郎漢名臣傳累遷刑部尙書每遇重辟必周詳審慎反覆爲求生路得則退有喜色不得則日中不出署抵暮歸或竟忘食一日入奏既退

世祖顧左右曰爾等識此人乎此新授刑部尙書杜立德也不要一錢不妄殺一人其爲

上所褒獎若此

後輔唐志十一

康熙元年調戶部尙書二年加太子太保

三年典會試轉吏部八年拜

國史院大學士其明年改內三院爲內閣授

保和殿大學士兼禮部尙書晉太子太傅

先正事略

時粵東初返正所

司具正賦雜稅之數以聞

上以問諸閣臣立德對曰廣東雜稅多係尙之信所加爲民間大

累非朝廷正額

皇上富有四海何需此區區數萬金錢今兩粵變亂甫定正合與民休息臣謂除之便

上從之

居易錄
二十八

聖祖嘗諭左右閣臣如杜立德真不愧古大臣十二年再典會試
先韓文懿麥會卷已遺本房勒帛立德搜遺卷獲之遂定首選
紅豆粉居相位十餘年恩禮優渥嘗

賜宴

內庭

先正
事略

特命列坐殿內漢大學士入殿坐自立德始也
甯河二十一年正
圖志

月上元節

賜廷臣宴立德有疾未預

上道中使賚酒餼

賜之

諭曰卿弼亮老臣久任機密茲海宇蕩平時當令序賜宴羣臣卿

卧病不克同此歡讌特遣中使慰問賜以醴餼卿共加餐珍攝以

副朕倦倦至意

漢名臣傳

初寶坻以隸通州故分派剝船百有二十甚

爲民累以立德力陳得減

寶坻洪志

五月以疾乞休允解任調理命乘

輿回籍遣行人司員護送

漢名臣傳

御製五言律詩一章及怡情洛社圖章以榮其歸

魏輔唐志七十一

既致

仕家居又以

太宗實錄告成賜銀幣鞍馬加太子大師

墓誌銘

三十年卒于家年

八十有一

賜祭葬如典禮

漢名臣傳

諡文端

一統志

立德爲人慈和謙慎恂恂寡言

及當大事決大疑則持正毅然不可奪練習朝章遇事有措置撥
据掌故參酌時宜兼集衆長期於允當遇物坦平不立畛域雖布
衣下位無生平之雅者果有一長必爲稱引

墓誌銘

德器厚重人不

見其喜怒之色京師有無賴子偶與騶卒因乘醉隨與後辱詈立
德若不聞無賴子隨至邸第詈不止久之遣問之日可已乎無賴
子歸酒既醒或告以昨辱宰相倉皇詣第謝罪立德慰遣之仍予
二金令改行生理無賴子感泣而去歲時必至門叩拜卒爲善人

云子恭俊

池北偶談十

恭俊

先正事略

以恩蔭補工刑兩部司曹綜核詳審具有條理以憂歸

甯河關志

康熙三十九年迎

駕三河

上詢知故相子甚喜并問立德葬處

御書永言惟舊四字賜之補刑部督捕侍郎勸逃緝請案多所保全出知廣信府未幾卒恭俊內行完備推財讓產尤能濟人緩急縣有陳姓者欠官糧三百金將鬻其女恭俊捐金代償而嫁其女

邑人稱之

畿輔唐志七十一

父子並祀鄉賢

先正事略

劉漢儒大城人

畿輔唐志七十四

明天啟二年進士崇禎時累官至四川

巡撫流賊寇夔州圍太平石砭土司秦良玉率兵援之漢儒運重慶米以濟其軍太平圍解中書涂原練鄉勇守梁山擊退賊漢儒及巡按御史黨崇雅請以蜀人治蜀兵仍用原莊烈帝不許並罷漢儒本

朝順治元年五月起授都察院左副都御史二年八月御史王守履劾漢儒係大學士馮銓黨爲僉都御史江禹緒營求招撫鄖陽漢儒具疏辨並引病求罷得

旨劉溪儒無端被誣著益盡心職掌以振風化三年復以病乞休

貳臣傳

漢儒天性孝友事孀母承顏順志事兄嫂以敬撫孤姪以慈

處宗黨鄰里恩情篤摯周卹備至立朝居官忠盡廉直校禮闈掌

計典矢公矢慎人沐薰陶人稱藻鑑云

畿輔唐志

康熙四年卒

賜祭葬如例

貳臣傳

康熙六十年祀先賢

畿輔唐志

郝傑字君萬霸州人

畿輔唐志七十四

始祖郝文忠公經元初僑寓於燕

因家焉

馮溥戶部右侍郎郝公墓誌銘

祖九思隱居以求義聞

冀鼎葺司農郝公傳

父鴻猷

明萬曆己酉舉人

王崇簡戶部侍郎郝公傳

知陝西延長縣

冀郝公傳

傑幼嶷然自立

不習鄉井輕儇態嗜學嗜嘖羣言文辭龐蔚

王傳

十餘歲出就學使

者試學使者奇之由是聲名藉甚

馮誌銘

天啟甲子舉人

王傳

從其父

鴻猷之官延長時間左右皆賊壘

一統志

傑帕首袴褶負弓矢前驅以

鞭稍叩壘門大呼曰我霸州舉子郝傑也從父之官過而假道於

若若許我幸甚不則請先死於此以頸血濺虎落矣賊壯其言許之顧傍賊曰趣爲我秣馬又曰餓矣趣飯飯我賊爲進酒食飲啗如流食已寤睡鼻息撼壁壘賊魁騎而馳僕躍馬從之笑曰能乘是乎卽以騎予僕由是馬首所嚮羣賊辟易竟事亡誰何者及賊攻延長謀知假守者假道舉子也遂逡巡引去龔崇禎丁丑進士唐志授太常寺博士甲申三月考選給事中未受命而賊破都城賊以僞官逼人僕懼汚僞命乃削髮居行人司中誓以死殉賊多

其義而釋之乘間歸里

王傳

皇清定鼎召收遺逸僕旣夙負重望且近在畿輔地因首膺

召命

馮誌銘

順治元年授行人尋遷戶科給事中

漢名臣傳念

國家初創必先爲根本計且民志不定則僭踰日生惟禮可以已之因上言宜開經筵祀闕里以示天下所先中云有一國者有一

國之規模有天下者有天下之規模

皇上爲天下主必紀綱定而朝廷尊滿洲貴人宜辨服章別儀從使漢人望而知敬漢官亦宜辨章服別儀從使滿人見而加禮疏上內外是之傑雖居言路未嘗撻拾人短長以沽直名凡有所言皆存忠厚開國之意時庶務未定廷臣有過無大小輒下刑部傑復上言曰法者天下之平也法量過以爲受則法行而人知恩若罪無大小悉歸司寇則考功之法廢矣使天下士朝囚首而對簿拜冠帶而服官非所以尊體統而養廉恥也自是乃分別降罰先議而後請

旨羣下始無輕詣西曹者未幾江南平降臣蔡奕琛阮大鍼等咸冀錄用傑上疏謂奕琛以賄得內閣與大鍼等朋黨爲奸以亡江南易曰開國承家小人勿用正謂此也奕琛等宜黜退

馮誌銘

江南

新定宜急擇賢能早爲除官又朝賀大典內監不得入班行禮俱

下部議行八年遷通政司參議九年遷光祿寺少卿尋授大理寺

正卿

漢名臣傳

時重囚不時報決傑請復熱審秋決舊例允之

唐志十

二年擢戶部右侍郎

漢名臣傳

長子惟訥拜通政司右參議父子同朝

位躋九列憂其過盛不俟引年遽乞休蓬徑蕭然日危坐課子讀

書每至夜分風雨不少廢或故人偶集春黃梁觴白酒相顧微吟

胸中浩如也惟訥歷官少宰迎養京師輒不至偶一至信宿而去

惟諄諄以廉慎報國曷久之風疾微作惟訥擬請假歸侍傑止

之曰已瘳矣旣而幼子方執經於前端坐微笑而逝傑軀幹厚聳

廣穎疎髯人望之敬慕撫世酬物一以至誠不喜以疾言厲色加

人與人言稍及雌黃卽亂以他語其律已端肅而儉樸

王傳

屋第不

容旋馬室無棗漆交牀坐器

王熙恭定公墓誌銘

惟訥在閤時閤人有以

計偕入謁者僕被澣濯衣出見曰吾兒在閩其無罪于百姓乎人生親老家貧多爲不廉吏今吾藉先世資瘠薄田足饋粥吾勞於此分祿以養其妻子所以勸爲廉吏也見者備言治行則大喜王誌

銘平生事繼母倍孝內外無間言繼祖母張氏雙目失明年九十

病危僕扶持出入侍湯藥不少懈嫂李氏少寡馮誌以次子惟謙

爲之子王傳康熙四年祀鄉賢唐志

惟訥字敏公母李太夫人孕時家有盜警夫人倉卒墜樓傷股忽

有老嫗詣門自言能療且日腹中兒當大貴吾并活之一手摩股

久之投藥少許骨格格有聲遂相屬胎竟不墜酬以金帛辭弗受

竟去不知所之池北偶談遂生惟訥爲兒童嬉戲智出成人王熙恭定

郝公墓誌順治四年進士授刑部主事歷遷員外郎漢名與父傑同

朝士大夫爭欣羨之畿輔唐志七年授福建督糧道漢名大兵下

漳南糧運多阻惟訥督米萬石率舟師浮海達泉州一軍飽騰海

疆平

王誌
銘

巨寇張自盛犯延邵惟訥設方略挫其鋒復用問離其

黨羽自盛就擒撫按交薦

畿輔詩
傳八

召爲通政司右參議歷太僕少

卿左通政陟大理寺卿戶部右侍郎

王誌
銘

十五年調吏部左侍郎

康熙三年充會試副考官四年正月擢都御史二月疏言自巡按

奏裁地方巡視責歸督撫督撫任重事繁出巡動踰旬月恐誤公

事况騎從重多經過滋擾至屬官貪廉罔問疾苦勢不能逐人逐

戶咨訪耳目仍寄司道所託得人則舉劾自眞民隱自達請嗣後

事關重大者仍親身巡察餘概停下部議行八月疏言貪官逢赦

止免應得之罪仍革職追贓此定例也近有藐法肆貪累審成招

罪至應死者因赦免罪並交吏部議處竊思蠹役賊欸審實雖經

赦免仍行革役此輩身爲職官饕餮狼籍未可令其玷名器貽害

地方雖新例赴部另補而貪殘所至播虐爲均請飭部定議凡賊
狀審實者雖事在赦前止免應議之罪仍行革職庶官箴可肅民
害可除

上是其言五年遷工部尙書調刑部禮部八年四月調戶部十一

年調吏部尙書

漢名臣傳

杜絕請託奸胥不敢有所上下銓政以肅

議補

唐兵興開捐納事例正途日壅惟訥爲斟酌資格按缺分選銓法

稱平焉

王誌銘

言官論事實例不免惟訥議免之先後獲全者數人

既而疏請寬言路處分例謂從來治亂關於言路通塞優容而嘉

與猶恐讜言不至豈可因而加罪扶持正類皆此類也

王誌銘案名臣傳

云十八年

上以給事中姚絳虞所奏風聞言事疏召廷臣言

議惟訥奏稱言官奏事原不禁共風聞但風聞奏參審問全虛者

有處分例若不加處分恐有借風聞挾私報怨者請仍照定例行

與墓誌銘詩傳五異竊以二說一持大體一防流弊或一時因事

納諫有此二疏茲惟訥精於吏事笑談立辦若無事者其所區畫

處置人不能及

王誌銘

在朝廷持紀綱

霸州志

遇大事非惟訥不能決

常以疾在告大臣罷議以待

王誌銘

爲人外和內剛性簡澹

霸州志

持

清操歷官三十餘年家無餘資

一統志

卒

賜祭葬如例諡恭定

漢名臣傳

從弟惟訓順治壬辰進士除徽州推官

攝御史巡鹽河東有惠政子士鉦以蔭官江南太平知府並祀鄉

賢義輔唐志

韓元盛字心一通州人順治二年授山西甯武關陽方口守備修城練兵報最擢利民參將時流寇餘孽竄伏交城山中元盛奉撫檄往勦而大同總兵姜瓖忽據城叛利民失守元盛聞變還遇賊被執脅降不屈扇之別室賊中有元盛舊卒因共謀誅賊次日元盛懷利刃與賊語奮臂殲其魁舊卒并力持刀殺賊衆悉股粟受約束遂復利民英親王統兵至元盛詣軍門謝罪左遷衡州府都

司致仕歸孫瑛官貴州甕安知縣

通州高志

楊春茂字奎東昌平人崇禎十五年舉人會丁世變西北岌岌如鼎卵春茂常撫劍太息或夜起旁皇四顧輒泣數行下甲申賊延壽昌平乃倡義與同志之士賈勇迎戰縛其巨魁磔而祭諸陵聞者快之

本朝定鼎初謁選得山西猗氏令猗富兵燹後城盡空春茂招集流亡蠲其賦役興其種藝猗之民始獲蘇息尤善折獄適姦燭弊纖毫無遁情有某掾不法下牒拘之給云死矣知其詐拘益急昇至堂下命杖之掾歛然起稽顙乞命一時吏民驚服謂李洛陽張真源無以過也甫九月而報績擢工部屯田司主事去任日百姓攀轅遮路累遷郎中監督兩審一錢不取尋以艱歸服闋補庫部

郎

上知其清介深嘉之丙申以副使轄甘州甘去京師數千里宦斯
士者皆苦之春茂束書數卷輕車就道到官接屬以和屬吏多武
人咸樂爲用有持金帛獻者必峻卻之或餽以苦菜一筐則欣然
受之人疑嗜菜餽者如織笑曰肉食者鄙昔人恥之范希文齋粥
固吾分也得此以給盤殮可勵清節人由是益知其廉以他故與
某中丞齟齬屢欲劾之中丞母讓之曰監司得人民之福也我數
聞楊公冰蘖聲汝身率僚屬有一賢吏而不能容獨不惜輿議耶
中丞悟而止甘肅地貧瘠例不輸丁銀後有增之者民以爲患春
茂力請得罷遠邇士民爭以羊酒爲壽頌不置口春茂無幾微德
色一以恩澤歸之

朝廷己亥正月七日忽嬰痰疾遂不起屬纊之日紳士哭於庭商
賈哭於途農夫哭於野下至販負小兒各焚楮錢泣拜其深得人

心如此

昌平
宋志

子自牧

自牧字謙六號預菴

畿輔詩傳
二十三

沈酣風雅

詩

工吟詠不事舉子業

昌平
宋志

詩英剴不落凡近得邊塞之氣居多

詩

與崑山顧亭林交最

善以蔭官江南婁縣丞著有潛籟軒詩集

昌平
宋志

芮昌齡字與三寶坻人由歲貢在京衛武學訓導順治初徵授曲

周知縣時李賊所授偽官猶在聞昌齡名遁去入城密伺大猾之

爲賊詞者捕誅之乃繕城列堡修荒政招流民大兵方駐廣平刻

日輦芻糧輸之兵藉以濟擢知商州州城七破於賊衙舍俱廢雞

犬無聲昌齡至設法招徠入城者方得五六十家而賀珍之亂又

作乃能激厲其民與之堅守賊引去因請於陝督孟公假兵三千

俘一隻虎賊黨兩院交薦再轉廬州同知駐無爲州會有丈洲池

之役還至泥汊鎮聞土賊伺間攻城急遣水兵數道分擊大破之

擒其渠蕭鳳鳴邢老虎等兼攝巢篆殺撫殘黎緩征恤獄諸務就理已丑

召見遂請假不復出構小軒名日靜致與子弟讀書其中居久之

卒

實城
洪志

駱養性字太和大興人

明季北略
二十二

故明錦衣衛指揮使崇禎時熊

開元姜埰以言事下錦衣獄

蕭曝雜
記六

一夕漏下二鼓一小中官持

懷宗御筆至

池北偶談
二十二

諭養性取二犯絕命養性附奏繳御筆謂

言官有罪當明正典刑今以昏夜殺二諫臣

蕭曝雜
記六

則天下皆畏

臣衙門之刑不畏陛下之法

汪有典熊
尚書傳

臣不敢奉詔

池北偶談
二十二帝

意亦解二臣遂免

本朝順治二年授養性天津總督奏請田賦悉照明代原額其違餉五百萬新餉九百萬練餉七百三十萬一概刪除得

肯允行

簪錄雜記六

王昂字次重大興人應童子試時授知於督學左光斗左遭璫禍陰左右之左死號呼當路請葬諡嘗慕黃道周之爲人性耿介不與時合順治十六年進士選庶吉士授編修文章高古書法學顏魯公上下古今議論聲聲卒之日貧無以殮云

大興張志

李可楨字克生別號坦齋武清人年十四補諸生屢應省試被黜遂絕意進取縱情詩古文詞寢饋經史探索本末源流下筆自成體格一時碑版之文咸倚重焉所著有伐檀集寶德堂詩集爲藝林所推許平生慮事有先識當明季時關寇起京畿南北所在騷騷可楨卜居城西偏爲避亂計毀家發粟周給貧乏每約誠邑里少年各自守法無習爲暴時他郡邑多煽亂不逞而武清獨帖然本朝定鼎遣將撲滅羣寇有他盜扳誣武清人者可楨毅然詣幕

府陳邑民無辜狀且館弁帥於家乘間周旋調護之凡被繫者悉

得釋卒年七十有四子煒

坦齋李公墓誌

煒字峻公別號浣廬康熙三年舉人由中書出任饒州同知甫三月丁內艱歸服闋擢補戶部山東司員外郎轉兵部車駕司郎中精勤泣事丙寅秋東兗道缺員九卿會推其才遂膺是命及履任激濁揚清政教畢舉己巳春陞廣東按察使時

聖駕南巡閱河煒司督緯朝夕扈從

上親詢官職姓名

命賜果品抵粵痛洗從前錮習有陵水令楊某者素淫橫事發輒數千金寘其門冀求釋煒御不納卒申以法而性尤慈慎遇命案必再四閱實如部民歐陽元開與黃姓爭田訐告因謀殺其族人歐陽世瞻莫圖害黃府縣疊審反坐罪於世瞻之兄與姪煒燭其

寃遂得平反聞者悚服庚午陞湖北布政使旋丁外艱癸酉補安徽布政使將之任請

暢春苑請

聖訓諭云人臣之道惟誠與廉爾果能以治粵者治吳則得之矣煒念江左民力久困因嚴飭有司減火耗禁私派慎平編裕積貯不三年令布風行江南北多利賴之丙子秋擢山東巡撫臨行士民繪清畏堂圖以贈路旁攀轅而留者數千百人東省地曠民頑素稱難治煒以爲思安民莫若察吏察吏莫若潔躬適有陽穀令具千金請託煒曰此民間脂膏也奈何欲污我因斥譴之由是大僚屬罔敢干以私者戊寅春以望誤罷歸己卯冬

上念畿南水患議修永定河隄爲萬世利煒倡先捐貲復親督畚鍤工既竣

上心甚悅勅部從優議敘卒年六十

李中丞傳

趙明徵字哲公其先吳人祖光遠以醫名明神宗朝爲侍直始遷大興父士通精於易著易圖說學者稱潛夫先生明徵自束髮出語卽驚其長者士通慕沈青霞之爲人學其畫梅往往奪其真然頗自秘惜一日畫一枝於縑素自題絕句云桃杏色相別李柰性不同一發寒香後四子稱下風以授明徵明徵受而藏之益自刻勵甲申李自成犯京師明徵扶母胡抱姪篁避臺溪廠胡坐淺水中曰急則就深死一賊馳馬過之明徵以身翼母而蔽篁於右腋賊射明徵中胸忍痛拔矢曰兒無恙也力持母起匿他所以免鼎革後士通卜居濟南顧謂明徵曰吾東西南北之人也顧西山坵墓在焉子歸矣其代我伏臘祭祀無缺明徵於是獨歸京師奉祀事歲時集諸父昆弟祭畢而觴曰吾有親而離居爲祀先也後之

子若孫日卽於疏祀或不畢集憂喜慶弔或不相往來合族之義其謂之何嗣是修祀事唯謹族用敦睦士通兄士美業岐黃老而貧明徵構室備藥物家具以娛其老友劉國亮貧士也病且死泣謂明徵曰吾母年七十吾又無子天乎奈何誰養吾母者明徵撫之曰吾與君爲友子母吾母吾在子何戚卽子不言吾已心許之古人不忘夙諾尙掛劍墓樹而况託子以母乎劉死葬之養母於家終其身以是孝義之名聞都下順治十一年與兄吉徵同舉順天鄉試明年不第省父母濟南丁酉遊江甯病卒年三十有七

王士正趙君墓誌銘

丁林聲通州人性穎敏髫年工文章

通州高志

順治初舉人任慶符令

地經變亂人民離散林聲抵任後招徠撫綏

畿輔唐志七十四

流民漸集

令民開墾無力者給以牛種邑向苦楠木差役力請豁免慶符解

科名林聲爲新學校勤考課遂有獲雋者士民爭感其德雍正二

年祀鄉賢

通州高志

王世德字克承始祖玉明洪武中自無錫遷北平從靖難之師陣亡於白溝河襲錦衣衛指揮僉事世德少襲世職崇禎末天下大亂人主孤立於上朝臣方持門戶競爲朋黨不復以國事爲意世德慨然謂人口今天下有大弊四散亂保邦須經紀才制科以虛交取之所取非所用弊一廷臣日以門戶恩讐相傾軋賢者不免弊二右文左武刀筆吏得持將帥短長弊三三營官軍詭寄糜餉者什八九倉卒有變不知何以待之弊四將上書極言不果平居鬱鬱不自得甲申三月李自成陷京師世德方徼巡北城拔刀將引決僕楊坤抱持奮力挽馬趨金剛寺是時妻魏已率諸婦女赴井死寺中僧素善世德相持而哭以僧服進遂祝髮問道奔淮南

僑居安宜以霸臯名其居因以自號與梁鶴林以樟卜鄰借隱所
與遊皆逸民高衲嘗憤野史誣罔不可傳信後世歎歎扼腕奮筆
作崇禎遺錄凡野史之謬者正之遺者補之頗勝他說遂卒於淮
南康熙十八年

詔修明史徵遺書四方有司錄其副上

史館子源

王士正霸臯先生墓誌銘

源字崑繩

方苞王崑繩傳

號或菴

北學編四

少從其父任俠喜言兵

北學編四慕漢

諸葛孔明王文成之爲人善古

微存錄一

於文章自謂左邱明太史

公韓退之外無肯北面者

王崑繩傳

徐尙書乾學開書局於洞庭山招

源往獨與劉獻廷善日討論天地陰陽之變伯王大略方域要害

近代人才邪正意見皆相同云

顏氏學行記

齋縣李塔見其文盡棄少

作而學焉博野顏元講學於鄉里其本在忍嗜欲苦筋力以勤家

而養親而以其餘習六藝講世務備天下國家之用以是爲孔子之學自別於程朱源一見大說與塔同師事之

徵存錄

終日正衣冠

對僕隸必肅然自負經世之略益堅每日吾所學乃今始可見

之行事非虛語也年四十餘以家貧父老始遊京師備筆墨

王崑繩傳

徐相國元文賓禮之諸公排纂經史必就質焉

先正事略

皆降爵齒而

與之交與四明萬斯同訂明史稿兵志源所作也

幾輔唐志七十九

或病

其不習時文笑曰是尙需學而能乎因就有司求試舉京兆第四

人

李剛主先生事略

然嘗自謂非其意

北學編四

曰吾寄焉以爲不知己者詎

病也源以貧無資不能不託迹公卿間而常以自鄙未嘗降辭色

或極飲大醉嘲謔罵譏中所忌諱諸公用此陽禮貌之而陰擯

焉源雖好氣其於人果有善未嘗不降心

王崑繩傳

與方苞交最篤嘗

與苞論顏元之學爲言程朱之所以失顏之所以得日子篤信程

朱恨不能破子之迷也苞日程朱未嘗不有事於此也但凡此乃

道之法迷耳使不由靜敬以探其源則於性命之理知之不真而

發於身心施於天下國家者不能盡得其次序源色變爲默然久

之自是終其身口未嘗非程朱李剛主先生事略生平內行篤修其兄死

句巖中貌若非人先正事略五十後葬其親王崑龍傳遂漫遊將求名山大

川以隱身焉雖妻子不知所之李剛主先生事略見人不自道其姓名逾

六十復歸往來金陵淮揚間客死山陽卒之夕神色傲然無一語

及家事著有易傳十卷平書二卷兵論二卷居業堂文集王崑龍傳

劉永嘉字天申密雲人監生行誼爲時所重提督某延之課讀或

有以重金求其圖說者驚曰賂可受乎卒不取後某罷官幕中多

株連獨永嘉名不在籍中密雲丁志

袁懋功字九敘香河人父邦化明山西沁水丞畿輔唐志值流寇

七十四

亂兵火之後代攝縣事撫恤招徠政績甚著直指特疏薦舉以親

老辭歸

香河劉志

懋功順治二年進士

畿輔唐志

授禮科給事中

漢名臣傳

建白

皆關大計

畿輔唐志

疏請慎簡學官磨勘文體釐定禮制又以前明廢

官拔

恩詔踵至雜流奔競妄希進用請命吏部會同都察院嚴核才品並停各省撫按舉送皆得

旨如所請四月七月調刑科先是

上允刑部侍郎黨崇雅請定朝審熱審之制所司尙未奉行懋功復言之

詔申飭所司十二月調戶科五年遷刑科給事中八年疏言浙江織造局舊設機戶擇富民充之吏胥誅求爲累民間至破產求脫請飭令禁止疏下部議革機戶名官買絲募工匠織作十年集議

總兵任珍罪隨大學士陳名夏胡世安等以兩議上坐黨附論流
徒奉

旨從寬鑄一級罰歲俸是年擢太常寺少卿累遷至通政使十二
年擢刑部侍郎尋調吏部十三年以戶部援

恩詔議給員外郎朱世德虧缺額稅吏部扶同議奏部臣降革有
差懋功降光祿寺少卿十六年二月擢左副都御史七月請命禮
臣詳議歲暮禋祭之禮

上是其言舊直隸武鄉試巡撫主之惟隸京衛者試于兵部至是
因懋功請令彙送兵部試騎射技勇用翰林官爲主考試策論十
二月擢戶部右侍郎十七年上澄敘廷臣三品以上者有

旨袁懋功才品敏練以要地巡撫用尋授雲南巡撫

特旨許以參將一員隨贊戎務賜袍馬並帑金三千兩皆異數也

懋功至滇恩信周布

畿輔唐志

時雲南新闢令降兵歸農其久橫鄉里

者懼仇人不敢歸懋功慮其復爲賊盜疏請令隨在入籍無主之

田任其開墾編保甲以時稽察復請令土官子弟赴學官訓課其

優者並許應試滇省在明初駐軍屯田計畝抵餉其後兵不耕而

鬻諸民輸糧於衛所每畝以四斗有奇爲額至是改隸州縣仍名

屯田按額征之視民賦重懋功奏請酌減糧額並言屯田近城邑

者可輸糧州縣其山阻路遙如楊林諸所宜仍設衛征糧增廣各

州縣額設夫役以供輸運又言滇地高下參差丈量田畝雖一州

一邑動經歲月請停派京官履勘諸疏均下部議行康熙六年以

父憂歸九年授山東巡撫

漢名臣傳 懋功辭復

賜蟒服鞍馬在任仁慈廉靜正已率下一如撫滇時

香河縣志

十年五

月以濟南諸府屬五十六州縣衛新墾地被水請展限一年起科

部議不准

聖祖仁皇帝命如所請七年浙江巡撫范承謨病調懋功代之未行仍命各留原任十月懋功卒

賜祭葬如例諡清獻

漢名臣傳

山左上民公請崇祀名宦十一年本學

諸生周溥鄉民魏延年等公呈督學題請崇祀鄉賢

香河劉志

兄懋德

字六完

畿輔唐志

幼以孝友聞事父情意肫篤父偶少怒卽跣踏不甯

百方解喻否則邀親友相與盤桓必父愉懌乃安父沒哀毀骨立與懋功友愛甚擊懋功卒懋德方會客聞訃慟哭踣地絕而復甦座客俱揮淚而散

香河劉志

以歲貢生官至通政使居鄉以德行稱並

祀鄉賢

畿輔唐志

楊璜字半玉號澹若宛平人順治三年進士與弟璥馳名都下稱二楊比之二陸登第授刑科給事中會日食上言辭多切直罪幾

不測以新進言官得寬假先是中外考試官皆由部院考取璜疏
言非體宜改其制由

上定從之繼陞戶部給事中念

國家取民之數不可不惜籍不定則病民其匪頒資子不可不嚴
籍不定則又以病國於是籌多寡出入之數按簿書立經制革開
梁弊政監於前明以裕國恤民爲務其條畫創建至今見諸施行
者不可枚舉顧恒焚諫草故事載

國史家乘不傳其意方欲澄清積弊盡去官吏蠹食之奸然不得
竟行其志也左遷補金吾經歷人皆惜之璜曰大小皆朝廷之官
唯盡職而已拜

命四日隨丁外艱歸遂不復出家居五年卒

宛平
王志

璜字執玉明崇禎癸未進士生而聰穎博極古今初授禮部主政

陞任陝西學道僉事力杜倖竇有冰清玉潔之稱及備兵雲中值
姜瓖變大兵西征委瓖攝巡撫事籌畫調度姜瓖授首招集殘黎
士民得所爲東萊道時值防兵以重遷鼓譟擁入道署瓖慨然登
堂曉以大義兵皆投戈感泣反側以消搆轉太常卿歷左右通政

卒

宛平
王志

朱之弼字右君號幼菴大興人

蒙輔詩
傳三

順治二年進士選授禮科

給事中歷遷工科都給事中己丑分校禮闈得人最盛踰一年丁
外艱服闋補戶科都給事中諫直端亮著聲於朝廷累月之間章
數十上雖城社狐鼠之姦苟利國家不避也所言重名器以尊朝
廷革久役以清弊蠹嚴禁派糧積弊及糧船私載事皆施行其論
破積習以圖實效

橋圖朱公
墓誌銘

言國家章程大備六部各有成書備

部臣實心任事利自知舉弊自知革言官不過拾遺補闕而已六

部任事之人視國事如家事猶恐廢弛今則盡若事外疑事畏事
之念多在勞任怨之意少事稍重大則請會議遷延日月行查而
已不然聽督撫參奏科道指糾而已不然苟且塞責無容再議而
已臣愚謂今日之治惟在擇人而久任責成效以定賞罰以行法
伏乞

皇上面召諸大臣親試才品因能授任復考其歷事後與利幾何

視成效多少以定功罪行賞罰無少姑息則人知法之必行而事

舉矣

漢名臣傳

未幾除太常少卿歷右通政宗人府丞擢戶部右侍郎

其明年以公事貶官十五年補光祿少卿轉通政司右參議明年

以左參議擢都察院左副都御史

未公慕誌銘

疏言巡按未得其人其

要惟責成都御史嚴加考核而已巡按之賢不肖卽堂官之賢不
肖臣請與同堂諸官暨請御史約一日操守潔清毋貪污不法一

曰舉劾得宜毋賢否混淆一曰撫按互糾毋瞻徇督撫若臣等定
差不公考核不當巡按尤異而不特薦敗類而不特參諸御史亦
得糾臣所以交相勸誡者如此至於巡方應行事宜御史親歷其
事見聞必確應責掌河南道會同十四道各抒見聞孰爲興利除
弊之事詳悉陳奏敕部院諸臣定爲畫一奏請

睿裁然後刊刻成書永遠遵行下部院議從之

漢名是時臣傳

世祖方嚴懲貪之典凡貪官得贓十兩以上流徙塞北著爲令葛
銘之弼言此令出撫按所糾必無以大貪入告者何則一經提問
有司無不求滅賊罪圖免身命雖累千萬期不滿十金而止然則
有嚴令之名無嚴令之實也

皇上但擇撫按一大貪者懲之撫按一大廉者獎之衆貪者懼衆
廉奮矣夏大旱因奏前山東撫臣耿焯河南撫臣賈漢復墾荒不

實歲增數十萬之賦百姓重困怨苦之氣積爲沴厲宜加勸諭河
南報災戶部言六月內旱

皇上步禱甘霖大需處處有秋何以彰德衛輝獨請蠲恤有

旨覆勘之弼固爭以爲地有竄隆澤有羸縮雨露所滋豈無枯槁

因極言覆勘無益與戶部尙書王宏祚力爭於朝宏祚辭卒屈續

詩傳尋遷戶部右侍郎康熙二年轉左三年充武會試副考官四

年調吏部左侍郎五年七月擢左都御史十月轉工部尙書六年

五月疏言閩省官兵每年所需月米除徵米十萬二千餘石外買

米四十餘萬石每石價銀二兩四錢朝廷買米養兵絕不虧短損

民價恩至厚矣臣聞延建汀邵苦於買米之攤賠有願繳田入官

者漳泉之間逐日按地畝均派方司餉未到日借派者有借竟無

還也及司餉既到日均補均補者謂餉米不敷按畝攤派也又巧

立名色曰預徵預徵先事而派也各縣派米於民每石必加六斗

又不令納米折價三四兩不等是數倍於正供也請飭該督撫查

究夙弊庶免朘削百姓之苦

漢名臣傳

天子下詔切責督撫大吏大吏以下多得罪閩中積弊遂革

墓誌銘

七年調刑部尙書

漢名臣傳

既爲大司寇則請旗下軫恤家人更定私

嫁之條俾免離析請免康熙七年酌省存留錢糧以紓百姓

墓誌銘

又言貪蠹法非不嚴而貪污仍敢肆行者恃與受同罪之例與者不敢質證耳請嗣後因事賄賂者照例同罪如因逼抑出錢儻非官役仍照舊例庶過證與錢者得吐實情而國法伸矣

詔並如所請九年調兵部尙書二十二年會推按察使之弼首舉

道員王瑛

上以所舉非材交部察議降三級調用

漢名臣傳

或勸之自明之弼曰

吾昨一歲四遷不以無功辭今甫一謫遂以無過自白乎遂歸老

于家

畿輔詩傳三

康熙丁卯十月以疾卒年六十有七嘗買妾詢其爲

士人女也弗御而嫁之年十六讀書塾中間鄰有哭聲以貧甚將鬻其子爲之酸金代贖家居課兒講誦經史暇或策杖逍遙郭外寄興詩酒人未見其有愠容子三人長儼刑部陝西清吏司郎中次侗候補內閣中書舍人次价官監生出爲弟之佐後

墓誌

之佐字左人幼孤依伯兄之弼兼師友教誨

大興張志

自延師受室及

居處服御皆爲辦治自少至老每食未嘗不共順治十四年進士改庶吉士歷官至翰林院侍讀學士居恒肆力古學不妄交遊好先儒語錄沈潛研討粹然一出於正與蘇少詹亮工爲性命交丁未分校會元黃仍緒狀元繆彤皆出其門雖踐清華自處若寒素良辰令節不事聲伎宴飲寂處書齋與二三名儒講道不輟至嚴

事伯兄教姪如子惠及宗黨多仁人長者之行

大興張志

劉樵字玉壘大城人

一統志

順治三年進士試奏議於

午門授戶科給事中會大計撫按剝舉多不以實樵輒拾遺論之

畿輔唐志

疏言頃見撫院參劾嚴小吏而寬大員非有司多不肖

而道府多賢也勢位漸崇情面難破卽如青州道韓昭宣受賄縱

釋叛賊多至十四人巡撫楊聲遠值議令住俸勅賊罰不蔽辜請

下部飭究昭宣坐褫責四年轉兵科右給事中以秦州遊擊潘延

吉棄城遁劾江南巡按宋調元濫舉失當調元亦坐革職是年樵

循大計拾遺例揭山東聊城知縣張守廉贓欸吏部奏令所司劾

議以守廉僅失察吏役罰俸三月樵誣職坐革職十年正月吏科

給事中魏家樞疏奏行大計拾遺例且言順治四年

上未親政科臣劉樵糾拾坐誣褫革于法未爲平允得

旨糾拾反坐言官壞吏治塞言路以後科道糾拾官卽準大計例
議處如科道挾私妄糾許吏部都察院指實參奏又、

諭曰吏役詐贓知縣全無覺察僅議罰俸言官反議革職劉捷明
有冤抑其令吏部察奏奏上

命以原官起用六月授兵科給事中十年充福建副考官十一年
五月疏言近畿水澇之後地畝可耕方春農事尤急請飭撫臣檄
州縣於存留銀內酌借災黎以備籽種俟秋成後照數償官仍飭
親履鄉村察核不使假手吏胥使民得沾實惠十二年五月因復
設巡按御史條上四事一舉劾無徇虛名宜進愜愾吏而抑巧宦
一禁交約以清賄賂之原一提問無致稽遲貽累一慎關防無使
幕役叢弊疏皆下部院行之是月疏言海賊鄭成功蹂躪漳泉窺
伺省會臣前奉使入閩詢悉地勢福清之鎮東衛明時曾駐兵防

倭僮復舊制可以保障長樂可以藩衝會城又宋元以來設州治於海壇島明初以倭思棄之若設將鎮守與鎮東互爲犄角仙霞嶺乃入閩門戶與江西浙江接壤易于藏奸宜設官控制招民以實其地使賊無隙可乘又海賊易犯京口皆泊平洋沙爲巢穴若乘賊未至移官兵駐鎮其地賊既退無可據必不敢深入內地疏既下各督撫酌議以海賊分道入寇請敕鎮海將軍石廷柱等驅勦後分別駐守十三年授山西河東道十五年轉河南鹽驛道明年遷湖廣按察使尋擢本省布政使

漢名臣傳

三省大帥會勦楚西山

巨寇日需芻糗數十萬民苦輓餽中途多逸督撫屬樞督運攀藤緣谷履穿衣裂寢食荒榛宿莽中民感其勤勞爭負以赴運寇平

議輔唐志七十一

總督張長庚巡撫楊茂勳交章薦其操守廉潔才識精

詳協滇黔兵餉至八百餘萬并清逋賦墾地及除鼓鑄積弊數事

疏下部會提丁母憂回籍康熙二年服闋補江西布政使

漢名值傳傳

吳耿變作賊犯吉安南昌兵民譟巡撫門勢且叵測捷單騎諭解

之一統志十四年內陞太常寺卿十六年遷大理寺卿明年三月擢

都御史五月疏言自吳逆叛亂軍需旁午大計暫停恐法紀久弛人情易玩今大兵所至漸次蕩平直省督撫絕無舉劾多以軍需未竣爲辭伏思兵燹之後殘壞已極正賴賢有司招來安輯潔已奉公若使不肖者滋擾何以澄吏治奠民生息盜賊請令督撫速行舉劾凡經保舉各官或改行易操一體嚴察不得徇徇干咎

上是其言下部如所請行明年四月病劇乞休五月卒于家

漢名臣傳

賜諡端敏子祭葬康熙二十二年崇祀鄉賢

續唐志

劉克家

續唐志

號振夫順天保定人

戶部北新推關

順治三年進

士授中書舍人

續唐志

轉戶部山東清吏司主事兩奉

欽差權北新關許聖開別弊惠商兩地稱為慈父並有德政去思

碑記

保定志

遷員外郎累官廣東僉事告歸性孝友事親愛敬兼至

喪葬盡誠兄貧爲之置產贍養弟早亡擇嗣令成立時咸稱其義

畿輔志

友人程樂善死代治殮具聞國士久病供藥餌不缺王辟圖

卒缺葬地乃擇己地以葬且願恤其後人家僕劉安祿服毒斃迹

涉李喜所致李喜舉家方驚惶無措旣而毫不波及人咸服其德

量

保定志

邑以堤決被水民人絕食多方賑助鄉里德之

畿輔志

凡邑

中利害所繫卽拮据自任

保定志

戊戌秋有以省費裁併小縣之文

克家方在告乃有十不可裁之議一天下有州縣各分邑而理縣

屬皆封疆不宜輕損一邑東西兩淀保定居中彈壓大有關係一

邑治居十五河漚流堤係三邑性命無官則關會失宜築防失時

必致疏虞一邑去文安四十餘里歸之文則百姓田婚禮差不勝

跋涉之苦且深隔膜之傷一保定臨大河舟楫之地無官則水路之私鹽任其往來而陸路之操戈車載地棍勾連誰與稽察緝捕一保地從無綠林之警裁縣成村盜賊往來借爲窩巢文推之霸則霸受累霸推之文則文受累兩相推而各爲隱匿之術勢必多事一立縣設官爲地方爲百姓非爲官也地方土瘠民貧官何得有富豈可以官窮遂令百姓無主一保邑事簡民醇易於見德官此地者從無錢糧盜賊之累

朝廷愛惜人才則此地爲人才培養之地又何可少一縣明有執法之官則幽有司土之神如風雲雷雨山川社稷城隍皆上帝分司以答陽治一旦譏併不但使百姓失父母之邦而令各神斬此血食何爲也一官吏俸薪工食祭祀等銀不過數百兩而已

朝廷賑民修築動經數十萬天下小縣亦多豈得盡哉卽裁能省

幾何使百姓流離失所當非

聖主愛民之意

劉克家上
傳道臺書

霸州道傅夢頤乃以所議出結撫院復

疏照舊云

保定
成志

卒祀鄉賢

畿輔
唐志

弟克讓

克讓性孝友明季之亂弟兄分散奔走亂甫定兄弟畢集獨不見克家克讓乃大哭曰二兄不來多陷入軍中若有不虞吾何用獨生爲於是昏夜辭母曰兒去尋兄母當自重兒不見兄兒不還矣遂去不知所之後克家歸而克讓首息杳然矣克家每一念及輒流涕不止久乃爲之立嗣云

保定
成志

楊三知字伯筠良鄉人

一統志

順治三年進士任榆次縣知縣

良鄉
楊志

有惠政擢兵部主事

畿輔唐志
七十六

陞本部郎中

良鄉
楊志

累遷神木道會

提督王輔臣反邊將朱龍應之三知方以代覲還抵保德或止之日事亟矣公無渡河三知不聽抵鎮日夜爲守禦計

畿輔
唐志

而守將

孫崇雅開門納賊執三知命之降不從衆拔刃相擬脅取勅印又不與

一統志

賊擁之至署三知給賊出急呼妻妾子婦悉投井中三

知別赴一井賊偵之急負出之右臂已折而不死大罵賊不絕口賊閉之一室令卒環守仍誘之降一日夜不從賊怒闔扉驅人出其卒在戶外聞拊擊聲殷殷震牆屋三知罵賊聲乍高乍下久之寂然賊啟扉去則三知已死其室無完器三知體亦無甚傷不知三知若何死也事平

贈光祿寺少卿廕一子

魏輔唐志

王景祚字振公號迂叟安人

魏輔詩傳三

其五世祖所謂王孝子原

者也

吳正治王

父守明以德行舉鄉飲大賓

魏輔唐志

景祚順治二年

進士

魏輔詩傳

授山西太原府推官太原省會地事繁劇前任以不職

罷去案牘充棟景祚以旬日了之撫軍祝世昌大喜凡府省大案

及文武薦覈皆決於景祚已而姜瓖叛大同人心恟懼一日數驚
撫軍以景祚攝甯武道以扼其吭景祚疾驅赴之未至已爲賊據
卽馳歸議城守而賊騎數十萬連營結寨進逼太原時人心益驚
擾景祚方從容畫計神氣殊閒雅會有蒙古兵防邊撤回途經太
原頒供頓以部牌至景祚笑曰破賊之策在是矣例兵馬不入城
景祚與撫軍議以計致之已而徘徊欲去撫軍及藩臬固留之不
可得景祚奮袂進曰賊騎臨城人心危懼公爲大將見賊不討而
欲倡逃乎大軍一動勢必奔潰失地之罪將有攸歸將軍曰烏合
之衆破之不難但非我職奈何景祚曰人臣無職誅逆其職誠撲
逆賊安全境土下拯赤子之難而上不貽君父之憂此將軍之所
以盡其職也將軍曰然明日遂出師景祚介冑以從與賊戰於晉
祠西大破之斬首數萬追奔數十里至其所據城下拔其城賊遁

去將軍以軍法屠城景祚跪而請曰變肇於逆民脇從耳活此數萬人皆將軍賜遂止三而

王師西下汾水暴漲無船議爲橋以濟檄太原榆次兩縣兩縣辭以水勢洶湧橋不可成撫軍目之曰以此累君景祚設方略爲之橋連成而師濟賊平治其黨所速引幾數百家下景祚鞠之所平反者甚衆甯武饑人相食景祚賑之而饑者蜂起捷馬首令不克濟時甯武倉軍儲數千石不暇請卽日發之曰活此數萬之命罪予一人之官且甘心焉旣反命撫軍大喜疏

奏之報曰可當是時名震三晉兩院薦劄皆第一壬辰內擢授廣東道監察御史巡視西城所言皆國計民生諸大事明年奉

命巡湖北屬吏有不飭者聞風改操西山賊出掠官軍追之獲婦女數千口景祚勒令放還軍無一人明年補山東左參議備兵東

突榆園盜起結謀窺城邑山東南直隸三省會剿莫能除標將
孫維統沈勇有略景祚專任之授以機宜踰旬而斬賊帥以獻黨
皆奔散隨草弭盜急著一疏請兵駐防以善其後乙未歲大饑直
省流人入境丐食會逃人之禁方嚴各府懼不敢納景祚慨然曰
流民亦吾民也避星誤而輕人之死何忍耶嚴飭屬吏安集高唐
刺史佟年首奉令招集數百家卽首薦餘屬爭相倣效流民乃安
丙申父卒以憂去官己亥起補杭嘉湖道未逾月
上諭取直省監司名最在後

特奉內陞之

詔庚子遷太常寺少卿遣祀南嶽轉通政使司右通政尋轉左通
政司封駁侃侃正言無所避在銀臺者七年丁未轉都察院協理
院事左僉都御史尋陞奉天府尹景祚至奉天輯和滿漢軍民各

安其所無間言先是遷徙人口隸各牛彖下景祚特疏請歸州縣
還左舊不權鹽有豪商叩關請行下景祚議景祚卽日下疏言違
左不權鹽者實有遠慮一旦創舉恐滋後日之擾奉

旨罷之辛亥陞大理寺卿素名法司而權多在部院景祚親閱爰
書大案多所駁正一時權貴斂手風節凜然王子扈耕藉田以病
失儀左遷乙卯補鴻臚卿明年春請告回籍王大廷景祚清慎廉

介歷官三十年不異寒素康熙七年河決文安濱河地多不可耕
疏請豁免民賴以利歲輸唐志年七十卒著有用拙山房草若干卷父

子並祀鄉賢

歲補詩傳

林起龍大興人順治三年進士授吏科給事中疏請嚴禁白蓮大
成混元無爲等邪教務絕根株俾間閭勿惑聽聞又以守令得人
則教養行而下向化請以招流亡懇荒蕪巡阡陌勸樹藝稽戶口

均賦稅輕徭役除盜賊抑豪強懲衙蠹賑災患濟孤寡修濬溝池
平治橋梁興舉學校十五事攷其殿最而大吏以時訪察俱如所
奏行四年正月劾山東巡撫丁文盛庸劣無能盜寇充斥因薦大
理寺卿王永吉可代文盛下部議以起龍徇情薦舉降二級外用
尋坐誣劾登州道楊雲鶴贓款擬革職

世祖章皇帝親政覽前奏以起龍因彈劾不實罷廢尙非品行玷
缺者比詔來京候

旨復原官時軍旅數出需餉孔繁未暇講求積貯而八旗禁兵所
得月餉僅堪餬口起龍請勅司計諸臣悉心籌畫先實京倉以及
近輔各省倉儲務使水旱有備調發裕如又言昔年兵在盛京無
餉而富今在京師有餉而貧揆之時地迥異法制尙宜更定凡駐
守征行所需馬匹草束軍裝戎器悉勅官帑估值分給俾籌備有

資無致拮据疏入

上諭吏部曰滿洲兵建功最多資生無策十年以來章奏未有言及此者林起龍所奏思慮周詳條畫有緒實心爲國忠誠可嘉嗣後有關政治民生利害興革者言官俱宜直陳無隱如果有裨政事朕不靳懋賞

諭部議敘以五品京堂用起龍懇留任奉

旨加銜仍原職十一年轉刑科加大理寺卿銜疏陳州縣官媚事上司耗費不貲狀乞嚴飭禁革並請遣廉能大吏巡行各省體察情形延訪利弊疏皆稱

旨飭部議行復疏劾總河楊方輿用賄署官侵剋工料不塞決口致河北盡遭淹沒工部尙書劉昌不行剝劾乃議令督撫詳勘九河故道稽延時日冀爲方輿掩罪事下王大臣訊鞠起龍與方輿

昌面質無實坐杖流

上特宥之改降三級調用補光祿寺署正明年諭吏部列科道因
言降革者以奏起龍得授大理寺寺丞十三年擢右通政大理
寺卿工部侍郎十五年調戶部左侍郎總督倉場明年三月加太
子太保七月考滿蔭子入監八月請更定綠旗兵制使兵馬器械
無虛額訓練行伍非具文留有有用之兵裁無實之費取材技于武
科責愛養于總帥章下所司議行十七年加太子太保兵部尙書
銜巡撫鳳陽先是立懲貪例官吏犯贓照輕重科罪不許納贖至
是起龍請仍舊章收贖充餉

上命九卿科道會議從所請

論曰立法止貪今因濟餉而貸法如民生何所奏俱不合仍前例
行

聖祖仁皇帝嗣統授起龍漕運總督康熙元年疏請豁免東海運居民所遺地糧報可又疏濬涇河開淮城運南運河七十餘里直達射陽湖近海田廬免患下部知之五年上言漕運倚於河防濟甯臨清一帶勢雖建飯泉湖蓄洩隄閘鱗次請飭有司修築俾無廢缺淺阻又疏禁運兵毋得病民運弁毋得病丁條議以上請旨頒行時江南浙江省蘇松常嘉湖等府穀賤白糧折征舊額浮于市價請改征本色

上並納其言初起龍奏禁運丁多攜貨物遲滯漕運令沿途監司節次稽察儀徵瓜州責之總漕及漕儲道淮安責之淮安道濟甯責之濟甯總河及濟甯道天津責之倉場及催漕分司以專責成會裁漕儲道糧艘至儀徵瓜州起龍不復委員稽察至濟甯運丁有額外攜貨者事覺總河盧崇峻具疏舉報部臣令起龍咨送盤

驗不實諸職名起龍以道員既裁申覆六年四月御史張志尹糾其不自引罪巧言支飾

上命起龍回奏起龍謝搦職乞賜罷斥下部議坐失察

命降三級休致以疾卒於家

漢名臣傳

王崇簡字敬哉宛平人崇禎進士一統志父受明陝西布政使司右

布政萬厯中進士初仕潞安府推官以清節著一府人稱之曰王

青天但飲潞安水耳

禮部尚書王公行狀

崇簡善屬文旁及詩歌古文辭皆

優爲之相繼受知於國子監司業張鼐提學御史左光斗二公素

名知人每見崇簡文輒歎曰此公輔器也值流賊破京師遂挈其

家播遷東南久之始歸

堯峯文鈔

世祖順治二年以順天學政曹溶薦補選庶吉士

漢名臣傳尋除秘書

院檢討

畿輔唐志七十一

歷侍讀學士遷詹事府少詹事兼侍讀學士以

疾請告十二月刑部右侍郎戴明說薦崇簡可大用

世祖素知之遂起於家其明年以原官兼宏文院侍講學士遷

國史院學士

禮部尙書王公行狀

時子熙亦官宏文院學士

世祖章皇帝日父子同官臣鄰希覩然肩隨齒列恐有未安因擢

崇簡爲禮部侍郎陞尙書加太子太保

畿輔唐志

崇簡自爲諸生卽肆

力於學日誦記數千言自經史諸子百氏無不貫穿每考論古今

治亂興廢之故輒慨然有志當世益務爲經濟有用之術在宏文

院

詔察明季殉難諸臣始末崇簡疏言在內如東閣大學士范景文以下二十有三人在外如山西巡撫都御史蔡懋德等五人或以其身仗節死或父母兄弟婦子相隨死或家人閭門大小俱死其忠烈相同宜並賜褒揚以廣作忠之典疏既上時論悉以爲允及

在禮部感

上知遇益盡心於職掌會御史乞更定帝王廟祀典崇簡疏言廟
祀自前明迄於

本朝曾經增定皆祀從來開創帝王功業顯著者至於守成令主
桀不及與中間如商之中宗高宗周之成王康王其行事俱見詩
書漢之文帝史稱其節用愛民方內安甯家給人足宋之仁宗恭
儉仁恕明之孝宗亦與仁宗相類憂勤惕厲終始不渝此七君者
宜百世祀不當以守成見格又言宋臣潘美不當在從祀列張浚
三命爲將凡三致敗一敗於富平則關陝遂陷再敗於淮西則鄭
瓊叛命三敗於符離則中原遂不可復且劾李綱殺曲端與岳飛
議不合其積忿在於併兵雖爲南渡名臣而初無灼然可見之功
亦當罷其從祀

詔議禘祭禮崇簡疏言宜奉

肇

興

景

題四祖及

太祖南向

太宗東向又

詔議大享殿合祀禮疏言

本朝所封啟運山宜附中岳壇天柱隆業二山宜附北岳壇如前
明附祀例有建議請祀周公於孔子廟者崇簡以爲不然疏言周
公制作前代比諸帝王今旣配享武王於廟禮數隆重若復祀諸
文廟之中於體爲褻非尊崇之德也議者謂北岳恒山立廟曲陽

非是崇簡以先儒言考之曰按曲陽有三地理志上曲陽屬常山郡在恆山北谷下曲陽屬鉅鹿郡鼓聚少陽亭晉荀吳滅鼓其處也今之曲陽既非鼓聚又不在北谷距恆山絕遠遂疏言宜從議者移祀渾源州爲便是時天下大定朝野又安

天子銳意勅興禮樂崇簡既鉅儒學問淹洽爲

上所委任而又身居禮官之長一切制度沿革必皆援古證今侃侃建白雖或

廷議糾紛亦皆俟一言而決

上亦必從其言由是眷注日厚

堯輩文鈔

子熙以禮部侍郎加尙書遷

左都御史兵工二部尙書大拜崇簡時年六十餘尙無恙

池北偶談一

父子後先同列海內榮之

堯輩文鈔

十八年以疾解任康熙十七年卒

漢名臣傳

賜諡文貞祭葬如例幾輔崇簡交遊滿天下堯峯善自謙下崇厲

名教獎引後學孜孜若弗及今世每到門投謁必相與握手欵曲

凡被禮遇者人人色喜謂王先生親我諸所獎借其後率皆成名

性清慎不苟於財嘗貸前明中貴人何某金百兩何死於盜崇簡

無所歸金遂舍諸僧寺且設位爲文以告曰吾用資故人冥福有

同年生末某者寓赤金百兩白金千兩於崇簡其家不之知也宋

君歿促其子至如數與之金其子大驚願以其半爲壽笑曰如是

則與乾沒有異乎悉與之平居無聲色博奕之尙晚歲益嗜澹泊

惟潛心先儒義理之說以躬行心得爲主與諸儒論難不強爲異

同及其發之於文原原本本下筆輒千言而悉根柢乎六經其論

詩風雅正變則謂論正變以體不若論之以聲蓋體由聲而定也

三代以上詩與樂出於一古人以聲詩奏之樂是故詩之本在聲

孔子刪詩得其聲則存不得其聲則不存或謂時有正變聲何以
有正變不知宮商角徵羽正也變宮變徵皆變也後儒補六笙詩
又補肆夏詩皆未達乎聲之義者也論春王正月則謂春秋之作
孔子尊王之作也因魯史之女遵周代之制槩乎無可疑者使以
夏時冠周月是倍王非尊王也是故孔子所書春者卽周之春所
書正月卽周之正月也其說悉有裨於學者至其他碑銘之女尤
見重當世子若孫欲榮其祖父者往往數千里來求其辭皆典核
有則堯峯文鈔爲禮部尙書猶好學寒宵擁鑪篝燈呬唔不輟諸公子
環坐聽其緒論退而筆之爲冬夜語兒箋記時人見其書以爲其
體製嚴而賅其用心仁以恕其立言皆可爲天下後世法今世早
遇國變時懷幽憂之感其詩流連沈鬱具才學識之長幾輔詩傳聞召
賁從子姓與之觴詠及嬉遊山水間所賦清新整麗見者爭傳頌

之有青箱堂詩十卷續詩十二卷文集十卷家譜年譜各一卷雜

著述若干卷

堯嶽文鈔

葉

四庫全書提要云

葉方鶴序其集

日色黝然而光味冲然而長蓋寶錄也

堯嶽文鈔

子熙燕次榘國子監

典簿次然布政使

王文靖公事略

次照

行狀

金衢道

事略

熙字子雍

案

四庫全書提要

順治十四年進士改庶吉士授檢

討一統十年春

世祖親試習國書翰林列優等

召見以滿語奏對大蒙

褒賞

先正事略

尋遷司業中允洗馬諭德

漢名臣傳

召入南苑常譯大學衍義及勸善書遂

命長直南苑常隨獵

賜乘御馬

先正事略

會初設

日講官以熙同學士麻勒吉胡兆龍等充之

命每日進講

賜坐

因史賢良傳

十三年轉庶子遷侍講學士十四年擢宏文院學士

漢名臣傳

時父崇簡國史院學士父子同官尋充

經筵講官擢禮部右侍郎兼掌院學士

先正事略

十七年六月

上命造直房

景運門內熙與諸翰林分班直宿十一月考滿加禮部尚書銜

漢名

臣傳

熙父崇簡方以尚書長禮部父子皆大宗伯朝士榮之十八年

幾輔唐志

世祖大漸

一統志

召入養心殿撰

遺詔熙泣伏先草第一條上奏

幾輔唐志恐

聖躬過勞奏移乾清門撰擬凡三次進呈皆報可俄

召入與故舊大臣同受

顧命又爲輔政大臣索尼等撰誓文至於面奉憑几之言有事關

國家大計與諸大臣再三密議而後決者熙終身不以語人雖子

弟莫得而傳也

先正事略

聖祖嗣位仍改宏文院學士兼官如故

賢良傳

康熙三年以失察欠

糧舉人入場削尙書銜降一級留任

漢名臣傳

五年除左都御史疏請

嚴督撫狗庇司道處分又言近例招民百家送至盛京得授知縣

不肖奸人往往借資爲市宜改給散秩又言江楚閩粵諸路王公

將軍督撫提鎮多自置官商奪民利又奸商多指稱藩下挾勢橫

行宜嚴飭申禁又言官吏捐輸博議敘名出私橐實出自民間宜

一切報罷均從之當是時平西王吳三桂駐雲南平南王尙可喜

駐廣東靖南王耿靖忠駐福建擁兵踰制三桂尤駭縱熙疏言一歲賦入大半耗於兵餉就雲貴言歲需餉銀三百餘萬兩急宜減汰綠旗額兵其藩下餘丁亦宜遣散屯種庶勢分而餉亦裕

詔下所司議省額餉百餘萬七年夏旱金星晝見

詔求直言熙疏陳法祖所以敬天請飭部院諸司詳察見行事例有因變法而滋弊者悉遵舊例更正

詔下所司確議於是鄉會試仍用八股文又前此各官儀衛踰制河工不立限期刑部獄囚霜降後不卽朝審至是皆改遵舊例其繁例就刪者復數十事中外稱便又疏言逃人詭稱寄頓財物不必遽行句取致累無辜至窩藏之人物故其妻子請免流徙從之

遣工部尙書

先正事略

十二年轉兵部其冬吳三桂反

賢良傳

其子以尙

主不卽誅

一統志

明年三月熙上書曰逆賊吳三桂負國深恩肆虐

滇黔流毒楚蜀散布偽劄煽惑人心今大兵已抵荆南元惡旦夕
授首逆子應熊雖被羈守而流言繁興說傳不止姦謀百出未易
周防若不早斷恐滋後患請速正法傳首湖南四川以激厲三軍
之心絕奸黨之窺伺賢良傳疏入應熊旋伏誅方滇黔之初變也都
城內外一夕火四起尋有偽朱三太子之獄捕繫數百人掠治不
得主名皆應熊及其黨爲之三桂自恃角距已成又以其子方尙
主朝廷必不殺以爲之招及應熊誅三桂驚悸發病竟以死先正事略

熙稟

聖天子方略調遣羽書和調將吏卒以成功先是漢官不與閩兵
機至是

特命熙專管密本中外咸知熙以敬慎受心膺之寄

廟堂之算所以任之者專而信之者至矣

朱錫鬯王文靖公傳會

詔舉賢能官熙疏薦原任御史郝浴候補司道鄭端周體觀

詔徵博學鴻儒薦原任推官尤侗中書汪懋麟皆次第錄用十七

年丁父憂二十一年卽家授

保和殿大學士兼禮部尙書

先正事略

富是時三逆削平海內康樂熙

入政府務寬平持大體宣

上德意

樂輔唐志

罷權宜之計停加征之額不沽名不市恩不植黨援

於四方利病及國家典制沿革無不周知遇事直陳無隱而一不

以已與也二十五年加太子太傅二十七年典會試三十一年以

疾請告

溫旨報曰

先帝舊臣俱已凋謝惟卿獨在班列雖精力就衰而老成常侍左

右殊有裨益其勉自調攝不必求罷

先正事略

嗣屢疏乞休四十年八

月允致仕晉少傅

漢名臣傳

賜寶露禁藥帑幣上珍明年上元節

賜宴於家

先正事略

四月特遣侍衛五格賚

賜香老舊德匾額及對幅傳

諭曰卿歷官最久自去歲告病在家無日不念老臣也近日九卿皆求匾額字對想卿心雖在告心未嘗不在朝中故特書以賜卿卿其勉強餐食輔以醫藥慰朕不忘舊臣之至意四十二年正月卒於家年七十有六

漢名臣傳時

聖駕南巡聞訃震悼

命直郡王允禩大學士馬齊率侍衛往奠且傳

諭直郡王曰大學士王熙係

世祖章皇帝舊臣宜行拜奠之禮舉哀酌酒於是王行三叩禮大

學士九卿等合詞具劄謝

恩尋

賜祭葬如例證文請

先正事略

熙讀書一過記憶不忘每奏對

御前應答如流熟於掌故遇事立剖決

王文靖公傳

居相位二十餘年

恩眷始終如一君臣際遇尤爲漢唐以來所僅見

幾輔志

性篤孝十

二歲母梁夫人病革禱於天願減算益母壽父崇簡晚歲好遊常

編歷西南諸勝熙恐其勞於登涉乃構怡園於宅西蔣芍藥數百

畦於臺別墅父願而樂之比捐館舍熙年踰五十矣號泣如孺

子顏書房日暮齋待兄弟友愛布政使然巡撫燕金衛道照皆以

推蔭起家者也生平選於經史工詩文

先正事略

著有文靖公集二十

四卷

叢補詩傳八

尤好施與京師義學育嬰堂月有資助凡大典禮如

耕藉田冊立東宮陪祀闕里大制作如總裁實錄玉牒典訓方略

兩史明史一統志皆膺其任前後

賜宸翰十餘幅堂額三曰席寵堂曰曲江風度曰耆年碩德他珍物不可勝紀熙遇事持大體在

上前或危論或微言率能動聽平定三逆後撰方略

聖祖忽諭閣臣曰當三桂反時漢官有言不必發兵七旬有苗格者又其時漢官多移妻子回家何也顧學士韓菼曰爾爲朕載之菼退而皇恐熙昌言閣中曰有苗格乃會議時魏蔚州語告者載去首尾遂失其本意然如其言豈非誤國移家偶然耳日久何從分別其移者豈非背

主漢官負此兩大罪何顏立

朝翼日熙執奏怨怨如關中語

上微笑曰固知此二事不可載也事遂寢熙嘗語諸學士曰吾昔

從

駕椒園

世祖問有子幾人以二子對蒙

賜名克善克勤善實能文吾不使與試不然者當丁酉時不免作
高郵公矣時

上痛懲漢人師生交通之弊熙遇鄉會試輒辭免開列戊辰典禮

部試蓋

特命也

先正事略雍正十一年奉

特旨入祀賢良祠

魏輔唐志 雍正正事 略作雍正八年入祀

燕以父任廕累任戶部兵部員外郎郎中康熙三十四年授鎮江
府知府三十一年特授江蘇按察使三十三年晉湖北布政使三
十七年擢貴州巡撫疏請增請貴州附學之清浪衛教授一附學

之開州廣順州未設學之永甯獨山麻哈諸州學正各一附學之
普安餘慶安化三縣未設學之普定平越都勻鎮遠銅仁龍泉永
從七縣訓導各一照小學例取文武生員八名下部議行三十九
年疏言黔省荒尙十分之四徧勸開墾舉報寥寥查田畝俱在萬
山中土性瘠薄秋成籽粒難抵內地膏腴三分之一開墾倍費工
本六年成熟起科辦賦餘僅敷播種工本無償是以懈於開墾請
除輕則田不議外其重者分別核減或減三分之一或減半征收
嗣後開墾俱准照減則例征賦則民苗踴躍從事下部議行四十
五年疏稱文武官弁近因凶苗劫掠俱照野賊苗蠻擾害地方例
議處黔地俱熟苗當差納糧與生苗潛入劫掠者不同若因其爲
盜將降革各員卽降革離任接緝者以非任內事不實力緝拿不
肖員弁慮于降革互相隱諱嗣後除野苗爲盜照例議處外其熟

苗爲盜地方官照漢民爲盜議處下九卿科道等議從之四十一年疏言驛站夫馬例州縣兼理獨安順驛馬在府站夫在縣鎮遠驛馬在縣站夫在府而歧不便且與兼管例不符請將夫馬統歸普定鎮遠二縣管理得

旨允行四十二年以原官致仕四十七年卒

賜祭葬如例

漢名臣傳

王崇節字筠侶崇簡弟

宛平王志

生五歲而孤多病習慣慢不喜爲章

句學學擊劍走馬

今世說

爲武學生辦事錦衣衛衛員以善刺人陰

事爲稱職有藉以挾取人貨財者崇節歎曰此豈吾所能爲耶遂

棄去與崔子忠友善子忠工於繪事得其筆法繼崔之後惟稱王

焉順治八年

宛平王志

舉試科爲興州衛千總

今世說

賣屋之官未幾缺

裁歸翻然曰與其奔走職業何如放逸自適耶偕兄崇簡徜徉西

山峰壑間

宛平王志

益肆力爲畫

今世說

筆墨之妙與年俱進

宛平王志

崇簡

素友愛而崇節未嘗倚門地請謁足不至公卿門或乏食甘心貧約以糴事自食其力士大夫雅慕其人求畫者滿戶外必先償直然後欣然命筆梁大司農清標見之稱爲絕藝厚酬以給帛餅不受曰崇節之貧安用帛爲更易金如其常值強之乃受其廉於取又如此

朝廷聞其名一日

召見中和殿崇節偉丰儀髮長數尺

上命起立視良久令供奉畫苑時年六十餘以足疾引退從子熙

爲築室娛老遂不出未幾病卒

今世說

方國棟順天宛平人明大學士從哲從孫

國史循吏傳 案汪琬方公墓誌銘云先世

居浙之德清後徙順天

明太師文端公從子 祖希哲縣學生私諡恬節先生考士瀄以

文端陸應官至饒州知府國棟讀書明敏過人十歲善屬文

汪誌銘

順治三年舉人除蠡縣教諭遷國子監助教進博士

循吏傳

遷刑部

江西司主事歷雲南司員外郎福建司郎中十六年出爲廣東按

察使僉事分巡海北道巨寇鄧耀盤踞海島中時時出沒剽掠爲

雷廉患

汪墓誌銘

國棟請於上官集兵三千

循吏傳

分五路以行而躬總

其節制繼又慮賊之他逃也急檄鄰道及安南國王各出兵分按

要害耀遂受擒招徠餘黨所全活四千人

汪墓誌銘

雷廉諸富人爲賊

所誣株繫者衆國棟察其冤悉爲昭雪諸富人哀白金數千爲報

國棟駭然曰吾憫若無辜耳奈何污我力卻不受

循吏傳

廉人爭感

公德刻主於名宦祠生尸祝焉

汪墓誌銘

遷山西甯武兵備參議以法

飭武弁謝絕餽遺康熙六年裁缺十二年改分守蘇松常道地濱

太湖隄岸歲久傾圯乃躬率吏民修築又修沿海墩臺及吳淞劉

河兩閘區盡經費不以擾民伶人倚中朝貴人勢恣爲奸利有司

爲折節下之與行鈞禮國棟不少屈

循吏傳

伶又以非法干請亦不

聽或勸委曲爲一官計國棟堅拒不可伶大怒去然亦不能毫毛

有加也由此聲望益大重

汪藻誌銘

大兵征閩粵羽書旁午國棟事事

與民休息每遇急徵從容布算鎮之以靜芻蕘糗糧之需日儲無

乏而民間晏然若不知有兵事者十六年有採木之役親詣宜興

深山中晝夜督視以勞避疾歸遂卒民謳思不置二十二年立祠

於虎邱山麓祀之

循吏傳

國棟頎然長身問學淹雅工詩喜書而於

奕尤入能品與人交不翕翕熱亦不落涼雖接布衣下士未嘗

有疾言傲色歷官三十餘年補衣糲飯無聲色菽飲之好約束胥

吏往往皆重足立而撫視士民則霽然俱有恩意尤耿介自守不

爲福禍利害所搖終其身如一也

汪藻誌銘

田大祿號龍泉通州人幼貧既長習賈家業隆起

通州高志

性友愛

兄弟亡遺子女撫若已出

後輔唐志八十

長爲婚嫁以已所置產分授從

子無所私居鄉樂善不倦凡疾病哀喪求助者罔不贍卹

通州高志順

治六年饑出米數千石以賑復施棺以斂疫死者遠近有田善人之稱事聞

世祖章皇帝嘉其好義命大學士巴某表其閭

後輔唐志

卒年七十一

子永隆

通州高志

永隆字玉滋五歲喪母日夕侍父側稍長追思其母輒泣累日年十五補諸生以家政繁不能務舉業入國學考授縣丞性謹厚尙義凡從母從兄弟姊妹及親黨之無依者生養死葬周卹備至父好修舉廢墜有所未竟悉踵成之與人交無城府遇談人過者必相勸戒嘗路拾遺金伺其人還之越數日復囊金至蓋向負大

祿者券毀無驗感還金之義來償永隆不受負者曰公盛德若是

某敢為負心人乎乃量留之平生善舉甚多鄉里推為長者通州高志

袁捷字咸孚大興人畿輔唐志七十六 歷官湖廣寧印諸司順治四年鄖

陽遊擊王昌反劫勒文武附從宛平王志 要捷曰若吾同官吾何忍殺

若第從吾異日富貴共之捷大罵曰吾頭可斷志不可屈恨不能

磔賊以報國耳昌怒殺之事平畿輔唐志

賜祭葬廕其子繼善為知州大興張志

張元樞良鄉人畿輔唐志七十四 順治四年進士任浙江處州府推官良鄉

楊志 嚴勾引營兵賭博之禁按行屬邑踏勘荒田請蠲逋賦時寇氛

未靖間有株連輒省之其他修學課士尤多善政處民至今稱

之畿輔唐志

張士甄字繡紫通州人順治五年進士選庶吉士授編修累官刑

部尚書持法平允務從寬大改禮部又轉吏部掌銓三載謝請託

疏壅滯公愼自矢朝論歸之畿輔唐志七十四奉使祭恒霍諸山途遇山

西裁兵憫其無依令當事設地屯處河東鹽課積逋商人苦貽累

疏請豁免凡爲會試同考文武總裁各一皆稱得人性謹飭謙和

與人交藹然可親至獎薦人才必真知確見不肯輕徇引疾乞休

卒年七十通州高志族弟士堯順治初以貢生知高苑縣適歲饑賑恤

有方全活甚衆士堯康熙壬子舉人出教諭陞永安令亦著循聲

畿輔唐志以母養乞歸好行善事里人德之通州高志雍正二年並祀鄉賢

唐志

謝泰字彙征號建侯大興人順治六年進士官湖廣竹山縣知縣

畿輔詩傳入竹山古之上庸層巖疊嶂猿鳥蹟絕下臨絕澗幽篁蒙茸

人皆整襟中行前明餘寇猶據爲巢穴窟崇禎初賊鄭十七養甲

千人據邑先峯寨後爲義兒楊明啟所殺仍有其地依張獻忠爲聲援又賊老當當五六萬衆盤踞邑中叛兵王二亂襄鄖趨房縣蹂躪無遺川寇劉二虎郝搖旗諸賊從永歷營來犯前令四人皆爲賊害泰至無城郭棲於山頂鶯崖寨居民止二十家時川獠千餘人攻天城寨次及鶯崖泰率鄉勇卻之而楊明啟虎視日久泰以守禦未備設計羈縻事急乃發書請兵遷民入寨以三十餘人銃二具爲死守計卽將蔣崇武來援泰與合兵深入賊巢先破泥灣寨擒賊婦馬氏諸寨多降遂攻明啟泰往來督餉值淫雨月餘溪澗驟漲兵不得前泰禱於伏魔廟而天霽明啟方恃險自若泰用降賊計取山徑乘夜入破其寨明啟遁復鈞連劉二虎郝搖旗等帥師五千人捲土而來泰知鶯崖不可守移鐵壁蔣家寨與鄉民八十三人同守時蔣崇武已遷去新帥張士光不任事賊遂破

虎伏寨渡河繞鐵壁攻羊角寨泰乘間爲書擲搖旗營離間諸賊諸賊果相疑久之知爲所紿復進兵入竹山破蛟龍樂豐諸寨遂攻鐵壁時癸巳八月也賊築城周山腹二十餘里爲長圍泰令鄒勇禦其前自堵其後攻前者多中鉛子墜崖下白平旦至日入殺賊二百有奇其攻後者泰自擊之殺賊六百有奇賊乃退後十日賊運竹箭填後陘取平直土泰夜以火毬照之發烏銃斃賊十餘人賊不得填陘乃以火礮來攻時九月望寨中無水泰祈禱得雨兵士益厲二虎計窮乃與搖旗更代圍守泰潛使兩健卒穿木城一赴興安總兵趙某一赴邯鄲總兵張某求救張援不至唯趙某呼使者問狀歎息良久乃命參將德俊副帥花守登率三千兵星夜赴援時寨水復竭泰入廟卜得凶兆欲自裁忽有四歲啞兒語曰援兵至矣越一日果至圍解泰與二將追賊至太平寨賊多投

爲崖河死餘逆遠遁秦前後守城與賊相持數十日追捕殺獲者

無算一邑卒以獲全經畧洪承疇上其功遷軍前督餉同知卒祀

忠義祠

盧見曾山左詩
詩鈔流寓傳

有蓼集編客中吟

畿輔詩
傳入

雷一龍字伯復通州人

畿輔唐志
七十四

少力學事繼母至孝順治六年

進士授山東汶上知縣潔已愛民修學宮革羸羨超雪冤獄人稱

神君課最內擢歷工刑禮吏四科給事中

唐州高志

彈劾不避嫌怨

唐志凡所陳奏疏悉以國計民生爲急順治十五年分校禮闈名宿

爭出其房是科

殿試第一人孫承恩其一也

通州高志

從子謙

畿輔唐志

順治二年進士擢

戶部郎中任大通橋河西務監督慎出入薄征收德之者衆

通州高志

雍正二年並祀鄉賢

畿輔唐志

高光夔字念侶文安人

畿輔唐志
七十四

父侶鶴明江南建平桐城令廉

能惠澤卒於桐邑人無少長貴賤咸懷祭酒哭臨如失怙恃光夔方弱冠扶觀北還讀禮之餘復精研經史寒暑靡倦順治六年進

士

胡士高念侶傳

授翰林院庶吉士歷陞宏文院授職編修

文安揚志

世祖章皇帝時幸史館

賜詞臣品膳酒醴顧問優容凡所召對皆洞達國體深明經術之語擢廣東督糧道布政使司左參議念積貯爲天下大命漕務積困已極興大利除夙弊一時漕政肅清會奉

詔咨詢兵民疾苦光夔條陳四事剴切詳明皆蒙

天子採納再陞江南揚州海防兵備道副使揚爲東南都會民勞兵弛夙稱難治光夔至撫綏訓練閭閻行伍交慶再生無何海氛犯江上光夔規畫方略裹甲登陣寇退將興大獄極力解免全活十餘萬人嗣以船工詿誤解綬之日襍被蕭然揚民焚香遮道攀

輟灑泣自江都以下二百餘里奔呼者不絕立去思碑以志甘棠遺愛焉尋復職補授廣東雷州同知精心吏事凡奏獻不決者督撫悉以委之多所平反獄無冤滯未幾吳三桂反粵地震搖僞檄之來飛馳如雨光夔堅持大節誓以死殉生母郭喪倉皇旋里自此十年間艱難家食褐衣粗糲寡如也卒於家

高念
侶傳

康熙三十

年祀鄉賢

歲輔
唐志

顏敏字乃來別字澹叟曲阜復聖裔也其先明初有以軍功襲錦衣者遂爲宛平人敏少爲諸生與其弟數齊名順治六年進士授刑部主事進郎中海寇闖入內江江介士大夫多爲所誤興大獄敏適典江南司江南臺使奏報下部屬定爰書敏披牘每達曙不寐必求得其可以生者入報卽忤堂上官不顧獄藉之成出爲池州守池故宋包拯所守州也敏至拜拯日豈有繼公官是邦而敢

負公者三年考第一民思君與拯竝祀之遂遷湖北按察司副使
上荆南道會孫可望由西南來歸我兵迎勦者大將軍貝子固山
以下皆牧馬荆南厚責供億敏爲廣儲峙芻菱糲一切支放皆
有法軍無譁者旣而遷本省布政司參政分守下荆南道經略內
院洪承疇知其能題補貴州按察使攝布政使事時大軍進滇者
必道黔值黔饑斗米十干前此轉運每至黔以道險手牽足挽幾
三十鍾致一石因改黔秋糧令折本色至是民不堪土司奔逃敏
請撫軍仍改如舊賦征銀民便之不數月卽遷廣西右布政司使
隨轉左改陝西康熙二年

王師征西南大會各路兵分隘進勦而大將軍獨取道關隴土馬
之集興安者日以萬至多不給敏立疏險易別水陸措夫辦饟按
程應之事平

上嘉悅會八桂亂大兵方南下議非重臣轄其地不可特

詔敏開藩廣西時定南王藩下官兵家口約數萬盡遣還京凡舳

臚長年無正饗可辦敏立出帑金僱募速起發而後捐輸以補之

乃以力瘁並病瘴遂卒年六十八

毛奇齡顏君墓誌銘

徐化成字文侯昌平州人

畿輔唐志七十四

父應祿早卒事母至孝

昌平宋志

順治八年由拔貢生

畿輔唐志

授光州知州光接楚豫殘於闖寇士民

流亡城壕堙圯化成以法招徠修築城垣重建學宮立社以課士

至是始聞弦誦之聲焉時又飛蝗爲災化成禱於天有異鳥羣集

類鶴鶴啄蝗殆盡田遂有秋三載遷台州知府

昌平宋志

值亢旱虔誠

步禱甘霖立沛鎮兵月糧偶缺譁於途檄催黃巖太和二邑米舟

暮夜至兵利在舟卽給化成慮有變詣江許運賑天甯寺倉猝夫

不繼化成徒步率衆役挽攜百姓聞之爭先來助頃刻而畢升合

無耗唐志

畿輔郡有大猾竄山海間謀倡亂以計生致之論之曰若壯

士豈終爲盜耶釋不罪於是亡命者始各散辛卯遷岢嵐道副使
旋遷山東萊州道皆有政聲丙申擢廣東右布政使當嶺海用兵
軍需仰給無或後期藩鎮制府皆嘉其才乙亥轉河南左布政使
政皆和平寬大時奏銷獄起負課者千餘人將罹不測因出金三
千輸之庫皆獲保全辛丑夏

特旨召見

上改容嘉勞擢都察院右都御史巡撫湖廣先是漕運積弊弁丁
往往魚肉小民稍不厭卽噪而起化成一裁以法期年之間弊絕
風清

世祖章皇帝留心岳牧書其名於

御屏每遇遷除輒指之其信於

上如此康熙甲寅卒

昌平宋志

陳慎字懷蓋

陳崇明傳

文安人順治十年以明經爲崇明令

畿輔唐志七十一

崇明彈丸巖邑孤懸海外久爲島賊所窺甫下車卽撫瘠民嚴保

甲遠偵探備城守

陳崇明傳

捍禦有方

畿輔唐志

崇人悅之發於謠詠四越

月張名振擁衆入境鄰邑吳淞劉河福山燒殘殆徧崇境有山前

大安排山等沙盡爲所據慎躬督將士櫻城兩戰大創奔潰崇得

以不陷慎長於心計雅負遠略常相形勢創平安壩以遏兵衝築

施翹河東阜沙平洋沙土城三座以屯難民使兩邑聲勢聯絡民

賴以安自高橋洪至四涖河築隄長百二十里以防乘潮攏岸已

亥鄭成功入崇明界總兵梁化鳳奉檄援勦江甯兵去城空民心

滋駭慎安撫衆志鼓舞鄉勇設伏擊其遁歸俘獲無算八月舟師

三千餘隻環攻城以洩金陵之憤城壞數十丈慎督衆連夜修葺

守禦更厲賊力竭圍解督撫方露布上功而主計者以兵餉未完
按例革職崇明士民萬餘匍匐兩院閱詞籲留有兵餉宜完而未
完之故陳令既去而願留之請得

旨全城功大革官准復加一級

陳崇明傳

擢知州旋卒

贈布政司參議照殉難例

諭祭葬廕一子入監

畿輔唐志

後敘江南平寇功

上諭陳慎已贈參議除前贈廕照舊仍留外仍給拜他喇布勒哈
番再准襲替二次誠異數也病革日無一語及家政唯以崇明兵
火倥偬民力竭矣所遺積逋儻微豁免死亦瞑目呻吟不絕已而
得

旨崇明孤懸海外竭力守城所欠錢糧盡行豁免雖曠恩出自

朝廷而慎終始爲崇之心無遺憾矣

陳崇明傳

康熙四十五年祀鄉賢

弟協

畿輔
唐志

協字念蓋順治三年進士

畿輔詩
傳三

初授中書舍人輒究心當代掌

故儲所學以需大用已擢戶科給事中轉右遷禮科左陞工科都

時

世祖親政開言路倚注方切慷慨忠耿之士極言闕議一無撓避
協尤質厚非軍國大計不以上初入禁垣首言請定賦役預以易
知由單布海內俾民不重科官吏無容乾沒遂

俞旨下司農修直省賦役全書開

國之始謚法未定協請元年以來滿漢文武病故者應列事蹟議
之太常秩宗請於

當亡而後覈定

本朝有易名鉅典自協之議始宣大爲雄邊號饒沃自姜瓖之亂

城若甌脫又裁宜撫與口北道協乃力言修復之便迄今漸得生聚皆其力也他如錫文大鹽課之攤派談畿輔水利之蓄洩有大利益非止爲惠於百里者其陳凶荒也言鬻子傭工二事最爲悲痛深切民隱

天子寤之協疎頽頽頽洪音吐髮戟張每恨舊朝臺諫以門戶谷其藩議以空言償其實事故不肯倚傍巋然獨立而所立不抗不墜務循職掌其中則毅然不可奪協旣爲

上所知得內陞補太僕寺少卿遷鴻臚寺正卿遂轉通政使司左通政宗人府府丞旋擢都察院副都御史旣一歲累遷會甄別京僚得

旨予稱職協益感優異欲大有發舒嘗言今日興屯之利可以生財不宜裁官俸汰工食效錐刀末術無幾陞兵部右侍郎理督

捕事已又改戶部左侍郎總督倉場督捕者主勾覆隱匿之政專
察八旗逃人始任是者多以縱舍不稱職協至則首在申明條例
刊行教約下督撫榜郵亭卽窮徼者稚皆通曉不敢犯復依滿洲
例每僱買人口官給符票使真僞易辨株蔓者得以不寃所全活
甚衆倉場尤稱弊藪始於奸弁侵盜繼以主藏耗蠹國儲空乏莫
之省憂協立期會軍斛量水腳羨餘絲毫不染以故公私悉賴魏

介大司農
陳念蓋傳及卒

恩賜祭葬如例康熙三年祀鄉賢魏輔唐志
七十四

田種玉字公琢宛平人

魏輔詩
傳十三

爲諸生時家貧甚以香爇火照讀

指頰皴裂弗輟順治十一年舉鄉試第一十二年進士選庶常官
至禮部侍郎性剛介寡合左遷奉天府丞遂乞歸卜居易水蒔圃

自給

易州志

五十二年加工部尚書太子少保

魏輔詩傳

紀克明字堯章別號杞菴文安人少而敦樸能自拔讀書挺挺不肯出人下補博士弟子員受知於督學左光斗事父母盡孝而事繼母尤爲內外姻戚所稱父歿繼母所生三弟撫以成立均受之家無私焉其最幼弟甫四齡晝親爲哺食夜則同榻兄克昭死育教其遺孤三人二食餼於庠一登辛丑科進士不知者不知其爲從子也弟克時卒以次子嗣之俾弟妻有依以終其節其交友接物皆煦煦有恩意里閭之間不能自存者必濟之凶歲出粟賑恤有方皆賴以存活人有急屢勉挽救有負之者不校也士大夫高其義每樂與之遊當明啟禎之際同里大璫多姻舊趨赴之輩欲藉爲介紹克明絕不與通而紳縉有遭奇禍者雖不識其人必從中爲之援都城變後邑曠無令者越月克明固結人心雖四野焚劫無虛日而邑賴以安尋以高才異等入太學出爲吳堡令竭心

奉職革羨餘蠲贖緩恤行戶養孤獨凡爲令者所常然人行之以名克明行之以實至署中不能舉火則賣田以接炊煙履任二年而家業益衰耗矣

覃恩贈父文林郎母皆孺人克明稽首曰吾親得邀

封錫之榮吾願足矣遂稱病求去再四未得竟以積勞而逝喪歸

堡人走哭踵相接而鄉人哀悼歛獻亦不能已也

吳堡令紀堯章傳

劉芳躅字增美涿州人餘祐子

畿輔詩傳十三

順治十二年進士改庶吉

士散館授編修充日講起居注官十六年遷侍講尋進內宏文院

侍讀學士康熙五年充明史纂修官遷內秘書院學士六年充會

試副考官恭纂

世祖章皇帝實錄充副總裁七年

漢名臣傳

以都察院右副都御史巡

撫山東

涿州續志

十一月疏報康熙六年開墾荒地萬二千二百六十

畝有奇照例起科下部知之十二月因地震疏請格外蠲恤部議
沂莒郯三州縣被傷最重增免本年錢糧十分之四其安邱等二
十一州縣及章邱等十六州縣各照被災輕重分別蠲免芳躅以
賑災議敘加工部右侍郎銜八年疏言山東衆山綿亘額海臨河
易藏匪類向賴守巡各道彈壓累經奉裁請仍設一東兗道登萊
守道增設濟東守道青州巡道以資控制裁驛傳道卽以馬夫諸
務分隸各道轄又言地方緝盜預勒名數百弊叢生諸事主被盜倉
皇勢難得其數少報則漏網多報必誣扳嗣後凡報盜盜能確呈
幾名及獲犯卽實供夥盜數目者仍照數捕緝如盜數不的止將
失事情形題報不得預勒其數以致捏陷如硬坐抵充至死者以
故殺論又言盜案初供人犯未全贖證未明暫時招承覆審不符
原審官畏顧瞻徇保無波累濫及請凡獲盜初供不必先敘俟全

獲嚴訊真僞列入奏疏方信讞俱得

旨允行九年二月疏言東省素不產銅惟收買舊錢供鑄今舊錢

已盡銅缺如故仍接卯鼓鑄不惟銅價昂貴且恐鑄多壅滯請撤

局停鑄部議如所請

漢名臣傳

先是山左多勝園藩產正供外仍有租

民累甚上疏免之有黃培者以謗誹繫獄數年株連甚衆芳躅讞

實坐培罪餘悉奏釋之

易州志

時泰安州獄祠久不治出廉俸爲僚

屬倡剋期增建工畢

畿輔詩傳

朱彝尊客其幕爲撰碑記又登嶧山他

賓從皆隄險中輟芳躅獨借彝尊造其巔撫署廳事有泉涌出名

之曰澁泉蓋取爾雅水自濟出爲澁義也

紅豆樹館詩話

十二年考察各

省督撫部議以芳躅才力不及降二級調川遂卜居易水上不再

起

易州志

與弟芳喆偕往來大房諸山中著有留雲山房集

涿州續志尋

卒

漢名臣傳

芳喆字宜人畿輔唐志八十按學案小議載劉芳喆爲宛平人
乃劉芳躅之弟今考畿輔唐志涿州志皆以芳喆爲涿州人蓋芳躅
人學案小議乃據其先世書之今不從順治十八年進士改庶

吉士歷

國史院編修遷國子監司業學主於庸所求皆子臣弟友之事至
織至悉人所不及檢察而忽之者講求必極其當學案能以踐履

倡率後學時祭酒爲新城王士正相與獎拔英雋人望歸之涿州

生平所稱許者成都費密蔡廷治黃岡曹本榮學案康熙乙丑歸

里築草亭於石橋村涿州性慈惠居鄉賑撫孤寒畿輔獎進善類

鄉黨愛敬之涿州康熙四十二年春

聖駕南巡過涿州芳喆班列跪迎

上問何不作官芳喆對曰康熙二十四年考試翰林院詹事府各
官緣祭酒李元振同芳喆未及到部議降三級調用有

旨芳蒞作人好著復原官劉芳蒞皇恩恭紀尋卒著有拙翁集拙翁庸語

諸書康熙五十五年祠鄉賢畿輔唐志

華陽吳祖椿校